



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

16. A transmutatione sexûs, & authoritate suspectorum, non validum duci argumentum.

urn:nbn:de:hbz:466:1-45686

actiuia passiuis, & semina rerum applicando, producit, colligere licet, eum etiam hominem, equum, vel lupum produce-re posse; idem in sole locum habebit, generat hic solo calore suo mures & ranas, nemo tamen dixerit, eum leones, homi-nes, vel aliud animal, cui maior contigit perfectio, solum ge-nerare.

XVI.

Supra §. 3.

Sotus in 4. d.
1. q. 5. 2. 8.

Sexus quoque mutationem grauissimorum authorum testimonijs nixam non negamus; sed cum haec sexuum distinctio accidentaria sit duntaxat, homo autem a brutis essentiali perfectione differat, quis tam a vero auersus, aut tam obtusi & pinguis ingenij erit, qui non intelligat, ex feminæ in marem, aut maris in feminam conuersione, hominis in feram trans-formationem male colligi? Certè natura humana æquè sub sexu maris atque mulieris, tanquam sub accidentibus, potest conseruari; siquidem vir & mulier specie non distinguuntur. Quin & alia huius mutationis ratio est, quam cum homo in felem, murem, lupum mutari dicitur. Nam ut ex viro fieri femina, vel vice versa ex femina vir, quale exemplum etiam Sotus narrat, necesse est, ut ab ipso statim ortu huius rei a na-tura posita sint fundamenta, ut nonnulli volunt. Alij neque istud quidem requirunt. Sed medicis, quibus omnia mundata sunt, hoc relinquo clarius explicandum. Authoritates contrariae partis, quibus Bodinus cum suis triumphat, ut non con-temno, ita contrarijs authoritatibus refuto. Quanquam hereticorum non maior esse debeat authoritas, quam Poëtarum; & aduersarij plerosque in suam sententiam retorto collo per-trahant; quippe complures scripserunt, homines in lupos esse conuersos, non quod res ita se se habuerit, sed quod sic se ha-buisse visa sit. Quanquam etiam nonnullos viros alioqui doctissimos, in rebus a vulgari captu remotioribus in errores la-psos esse, sit manifestum. Multa etiam, quæ pro historijs ven-duntur, fabulis esse contaminata ambigi non debet. Moyses diuina vi baculum in serpentem vertit, & reuertit. Magi Pha-raonis idem fecisse dicuntur? Negant multi Patres eos veros fuisse serpentes; sed celeritate quadam aiunt dæmonis substi-tutos serpentes, virgasque ex oculis subductas. Et si vel demus,

virgas

virgas eorum verè fuisse in serpentes versas à malorum omniū machinatore, an idcirco etiam homo poterit in colubrum converti? Imperfecta hæc animalia vel ipsa natura ex putri materia gignit; cur naturæ auxilio non facilius in his producendis vti potuisset artifex ille, quām in lupis ex homine faciendis? cūm vel Plinius dicat: *Homines in lupos converti, rursusq; restituti sibi, falsum esse confidenter existimare debemus, aut credere omnina, quæ fabulosa tot faculis esse compirimus.*

Quo pæcto autem dæmon mortalibus illudat, vt vel phantasia tales decipiāt, alijsque sensus tam externi, quām interni, concitatis humoribus, & confusis speciebus perturbentur: vel nebula, aut exuuiæ lupinæ alteriusue animalis corpori circumponantur; aut ipse tales spiritus nequam repræsentet, veneficis, qui se in feras transformatos esse censem, sopitis, & ad alia loca translatis: aut veræ bestiæ supponantur; quales fuisse, aues Diomedes, & ceruam pro Iphigenia Agamemnonis filia à Græcis ad placandam Dianæ iram maestatam D. Augustinus indicat, & à nobis satis, arbitror, suprà est explicatum. Et quid vñstatius est, quām vt Stygius artifex sensibus hominis illudat, oculisque tenebras offundat, vt res, quas pedibus conterunt, vel omnino aspectum eorum effugiant, vel sub vera & genuina forma non percipiantur? Cūm enim ea, quæ sensibus hauriuntur, potentissim naturaliter virtutē aliquam imprimant, cuius ope sensus elicuntur, facile dæmon huiusmodi virtutem, per medium productam, potest variare; sicut organum ipsum. Sic lingua febricitantis humore cholericō infecta dulcia amara, & mel fel esse judicat. Sic nauigantes vrbes, colles, silvasq; recedere, seque solos firmiter consistere aestimant. Sic phreneticī mirabilia se putant videre, audire. Cur non idem possit dæmon, quod potest morbus? Consueta res est, vt dæmon visum hominis in errorem ducat. Dicit etiam in errorem intellectū, si cui persuadet, eum in lupum verè verti. Necesse enim esset talem mori, ac ad vitam à diabolo reuocari, quando eum denuo ex lupo hominem faceret. At Theologorum vox est, sola diuina virtute semel lucis huius vñsura orbatum in eandem redire posse. Memoriæ proditum est, Simonis Magi præstigijs,